

/վարչական տույժ նշանակելու մասին/

«15» դեկտեմբեր 2020թ.

ք. Սիսիան

Ես՝ ՀՀ ՊԵԿ Հարավային մաքսատուն-վարչության պետ Հայկ Միրզոյանս, ուսումնասիրելով «ԱՐ ՏՈՐԱԿՈ» ՓԲԸ-ի տնօրեն Գարիկ Հենրիխի Աթայանի /անձնագիր՝ AP0391111, ք.Երևան, Արաբկիր, Օրբելի 51/26/ կողմից «Ներքին սպառման համար բացթողում» մաքսային ընթացակարգով թիվ 05100040/291020/0004092 ապրանքների հայտարարագրով հայտարարագրված ապրանքի վերաբերյալ փաստաթղթերը.

Պ Ա Ր Զ Ե Ց Ի

«ԱՐ ՏՈՐԱԿՈ» ՓԲԸ-ի տնօրեն Գարիկ Հենրիխի Աթայանի կողմից թիվ 05100040/291020/0004092 ապրանքների հայտարարագրով հայտարարագրված ապրանքի համար հաշվարկված պետական տուրքը վճարվել է սահմանված ժամկետից 6 /վեց/ օր ուշ:

«Մաքսային կարգավորման մասին» ՀՀ օրենքի 100-րդ հոդվածի 1-ին կետի համաձայն մաքսային ընթացակարգերի շրջանակներում պետական տուրքերը պետք է վճարվեն հայտարարագիրը ներկայացնելուն զուգահեռ:

ՀՀ ՊԵԿ ՀՄՎ ավագ մաքսային տեսուչ-իրավաբանի կողմից 05.11.2020 թվականին «ԱՐ ՏՈՐԱԿՈ» ՓԲԸ-ի տնօրեն Գարիկ Հենրիխի Աթայանի նկատմամբ կազմվել է վարչական իրավախախտումների վերաբերյալ արձանագրություն:

«ԱՐ ՏՈՐԱԿՈ» ՓԲԸ-ի տնօրեն Գարիկ Հենրիխի Աթայանը պատշաճ ծանուցվել է գործի քննության անցկացման վայրի և ժամանակի մասին, սակայն չի ներկայացել իրավիրված քննությանը:

Ի պատասխան 05.11.2020 թվականին կազմված վարչական իրավախախտման վերաբերյալ արձանագրության Գարիկ Հենրիխի Աթայանը էլեկտրոնային եղանակով ուղարկել է առարկություն համաձայն որի պետական տուրքի վճարումն ուշացնելու պատճառը եղել է ՀՀ-ում և Արցախի Հանրապետությունում հայտարարված ռազմական դրությունը և պատերազմական իրավիճակը, որը համարվում է անհաղթահարելի ուժ, հետևաբար իրենից անկախ հանգամանքներում չի կարողացել իրականացնել իր վրա դրված պարտավորությունը: Տվյալ դեպքում իր կողմից պետական տուրքի վճարումը ուշացնելու համար նա միտում /դիտավորություն/ չի ունեցել և դա տեղի է ունեցել անկախ իր կամքից, որով պայմանավորված իր արարքում բացակայում է մեղքը:

Առարկության մեջ հղում է կատարվել «Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին մասի 1-ին կետին, համաձայն որի վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման, եթե բացակայում է վարչական իրավախախտման դեպքը կամ կազմը: Ելնելով վերոգրյալից խնդրել է վարույթը կարճել հաշվի առնելով իր մեղքի բացակայությունը:

Վարչական մարմնի կողմից պահանջվել է ներկայացնել «Վարչական իրավախախտումների վերաբերյալ» ՀՀ օրենսգրքի 170³ հոդվածով նախատեսված իրավախախտման կատարման /պարտավորությունների չկատարման/ և

պատերազմական գործողությունների միջև առկա պատճառահետևանքային կապը հաստատող փաստական հանգամանքները:

Ի պատասխան վերոնշյալի ներկայացվել է նույնաբովանդակ առարկություն, որպես պարտավորության չկատարման հիմք նշվել է պատերազմը:

«Վարչական իրավախախտումների վերաբերյալ» ՀՀ օրենսգրքի 170³ հոդվածի համաձայն՝ հարկերը, տուրքերը և օրենքով սահմանված պարտադիր այլ վճարումները սահմանված ժամկետներում չվճարելն առաջացնում է տուգանքի նշանակում սահմանված նվազագույն աշխատավարձի տասնապատիկից մինչև քսանապատիկի չափով:

Վերոնշյալ առարկությունը չի կարող հիմք ընդունվել, քանի որ չեն ներկայացվել այնպիսի փաստական հանգամանքներ, որոնց առկայությունն անհնարին կդարձնեին Գարիկ Հենրիխի Աթայանի կողմից իր պարտավորությունների կատարումը:

Այսպիսով, վարույթի նյութերով հիմնավորվում է, որ «ԱՐ ՏՈՐԱԿՈ» ՓԲԸ-ի կողմից ՀՀ ներմուծված ապրանքը հայտարարագրվել է թիվ 05100040/291020/0004092 ապրանքների հայտարարագրով, որով առաջադրված պետական տուրքի վճարումը սահմանված ժամկետում չի կատարվել, ինչով պայմանավորված ընկերության տնօրենի կողմից թույլ է տրվել «Վարչական իրավախախտումների վերաբերյալ» ՀՀ օրենսգրքի 170³ հոդվածով նախատեսված իրավախախտում:

Ելնելով վերոգրյալից և ղեկավարվելով «Վարչական իրավախախտումների վերաբերյալ» ՀՀ օրենսգրքի 214-րդ և 234-րդ հոդվածներով՝

Ո Ր Ո Շ Ե Ց Ի

1. Գարիկ Հենրիխի Աթայանին «Վարչական իրավախախտումների վերաբերյալ» ՀՀ օրենսգրքի 170³ հոդվածով սահմանված իրավախախտում կատարելու համար ենթարկել վարչական պատասխանատվության՝ տուգանել **10000** ՀՀ դրամի չափով:
2. Որոշման մասին հայտնել Գարիկ Հենրիխի Աթայանին:
3. Որոշումն ուժի մեջ է մտնում որոշման կայացման մասին իրազեկելու հաջորդ օրը, կարող է բողոքարկվել վարչական և դատական կարգով, ուժի մեջ մտնելուց հետո երկամսյա ժամկետում:

Սույն որոշումն ուժի մեջ է մտնում դրա ընդունման մասին իրազեկելուն հաջորդող օրը և «Վարչարարության հիմունքների և վարչական վարույթի մասին» ՀՀ օրենքի 10-րդ գլխի նորմերին համապատասխան կարող է երկամսյա ժամկետում բողոքարկվել վերադատության կարգով կամ ՀՀ վարչական դատավարության օրենսգրքով սահմանված կարգով՝ վարչական դատարան:

Սույն որոշումը կամավոր չկատարվելու դեպքում այն կկատարվի «Դատական ակտերի հարկադիր կատարման ծառայության» միջոցով՝ պարտապանի հաշվին:

Սույն որոշմամբ նշանակված փուլաճանքի վճարման հաշվեհամարն է. **900005024055՝ 10000 ՀՀ դրամ, նշել 30 կողոք:**

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ



ՀԱՅԿ ՄԻՐՉՈՅԱՆ